

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**ԵՐԵՎԱՆ ՔԱՂԱՔԻ ԱՎԱԳԱՆԻ**

«----» «-----» 2020թ.

N-----Ն

ՈՐՈՇՈՒՄ

**ԵՐԵՎԱՆ ՀԱՄԱՅՆՔԻ ՎԱՐՉԱԿԱՆ ՏԱՐԱԾՔՈՒՄ ՇՐՋԻԿ ԱՌԵՎՏՐԻ ԿԵՏԵՐԻՆ
ՆԵՐԿԱՑԱՑՎՈՂ ՊԱՀԱՆՋՆԵՐԸ, ՊԱՅՄԱՆՆԵՐԸ, ԺԱՄԿԵՏՆԵՐԸ, ՇՐՋԻԿ ԱՌԵՎՏՐԻ
ԻՐԱԿԱՆԱՑՄԱՆ ԹՈՒՅԼԱՏՐԵԼԻ ՎԱՅՐԵՐԸ, ԴՐԱՆՑ ՏՐԱՄԱԴՐՄԱՆ (ՀԱՏԿԱՑՄԱՆ)
ԿԱՐԳԸ, ՊԱՅՄԱՆՆԵՐԸ ԵՎ ԳՈՐԾՈՒՆԵՈՒԹՅԱՆ ԻՐԱԿԱՆԱՑՄԱՆ ԺԱՄԵՐԸ, ԻՆՉՊԵՍ
ՆԱԵՎ ՎԱՃԱՌՎՈՂ ԱՊՐԱՆՔՆԵՐԻ ԿԱՄ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ
ՉԹՈՒՅԼԱՏՐՎՈՂ ՏԵՍԱԿՆԵՐԸ ՍԱՀՄԱՆԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 25.1-րդ կետով և «Առևտրի և ծառայությունների մասին» օրենքի 5.2-րդ հոդվածի 2-րդ մասով.

Երևան քաղաքի ավագանին որոշում է.

1. Սահմանել Երևան համայնքի վարչական տարածքում շրջիկ առևտրի կետերին ներկայացվող պահանջները, պայմանները, ժամկետները, շրջիկ առևտրի իրականացման թույլատրելի վայրերը, դրանց տրամադրման (հատկացման) կարգը, պայմանները և գործունեության իրականացման ժամերը, ինչպես նաև վաճառվող ապրանքների կամ մատուցվող ծառայությունների չթույլատրվող տեսակները համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ԵՐԵՎԱՆԻ ՔԱՂԱՔԱՊԵՏ**Հ. ՄԱՐՈՒԹՅԱՆ**

**ԵՐԵՎԱՆ ՀԱՄԱՅՆՔԻ ՎԱՐՉԱԿԱՆ ՏԱՐԱԾՔՈՒՄ ՇՐՋԻԿ ԱՌԵՎՏՐԻ
ԿԵՏԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ, ՊԱՅՄԱՆՆԵՐԸ, ԺԱՄԿԵՏՆԵՐԸ,
ՇՐՋԻԿ ԱՌԵՎՏՐԻ ԻՐԱԿԱՆԱՑՄԱՆ ԹՈՒՅԼԱՏՐԵԼԻ ՎԱՅՐԵՐԸ, ԴՐԱՆՑ
ՏՐԱՄԱԴՐՄԱՆ (ՀԱՏԿԱՑՄԱՆ) ԿԱՐԳԸ, ՊԱՅՄԱՆՆԵՐԸ ԵՎ
ԳՈՐԾՈՒՆԵՈՒԹՅԱՆ ԻՐԱԿԱՆԱՑՄԱՆ ԺԱՄԵՐԸ, ԻՆՉՊԵՍ
ՆԱԵՎ ՎԱՃԱՌՎՈՂ ԱՊՐԱՆՔՆԵՐԻ ԿԱՄ ՄԱՏՈՒՑՎՈՂ
ԾԱՌԱՅՈՒԹՅՈՒՆՆԵՐԻ ՉԹՈՒՅԼԱՏՐՎՈՂ ՏԵՍԱԿՆԵՐԸ**

I. ԸՆԴՀԱՆՈՒՐ ԴՐՈՒՅԹՆԵՐ

1. Երևան համայնքի վարչական տարածքում շրջիկ առևտրի կետերի միջոցով վաճառքի կազմակերպման կամ ծառայության մատուցման գործունեության թույլտվությունը տալիս է Երևանի քաղաքապետը՝ ընթացիկ ամսվա տեղական տուրքի վճարման անդորրագրի հիման վրա, եթե շրջիկ առևտրի կետը թույլտվության տրամադրման պահին (ինչպես առաջին, այնպես էլ յուրաքանչյուր հաջորդ անգամ) համապատասխանում է սույն հավելվածով սահմանված պահանջներին և պայմաններին:

2. Շրջիկ առևտրի իրականացման թույլատրելի վայրերը տրամադրվում են (հատկացվում են) բացառապես Երևանի քաղաքապետարանի՝ հատուկ այդ նպատակով ստեղծված կայքէջի միջոցով՝ էլեկտրոնային ամրագրման եղանակով՝ մինչև երեք օր ժամկետով: Միաժամանակ դրանց հատկացման տևողությունը չի կարող գերազանցել օրական 14 ժամը եւ առավելագույնը՝ մինչև ժամը 23:00-ն:

3. Շրջիկ առևտրի իրականացման հայտը ներկայացվում է էլեկտրոնային կամ թղթային տարբերակով՝ ներկայացնելով հետևյալ փաստաթղթերը.

- 1) տեղական տուրքի վճարման անդորրագիր,
- 2) դիմումատուի պետական ռեգիստրի գրանցման վկայականի պատճեն,
- 3) տրանսպորտային միջոցի հաշվառման վկայագրի պատճեն,
- 4) շրջիկ առևտրի կետի լուսանկարներ,

5) իրավաբանական անձի գործադիր մարմնի ղեկավարի կամ անհատ ձեռնարկատիրոջ անձնագրի պատճեն,

6) արտաքին տեսքի վերաբերյալ Երևանի քաղաքապետարանի աշխատակազմի արտաքին ձևավորման և գովազդի վարչության կողմից տրամադրված եզրակացություն,

7) անհրաժեշտության դեպքում կարող են պահանջվել լրացուցիչ այլ փաստաթղթեր՝ վերասաքավորման, սանիտարահիգիենիկ կամ անվտանգության վերաբերյալ:

4. Շրջիկ առևտրի իրականացման հայտը ներկայացվելուց հետո 7 օրվա ընթացքում շրջիկ առևտրի կետը ներկայացվում է զննության:

5. Շրջիկ առևտրի թույլտվությունը տրամադրվում կամ մերժվում է շրջիկ առևտրի կետի զննությունից հետո 7 օրվա ընթացքում, եթե զննությունից հետո լրացուցիչ փաստաթղթերի անհրաժեշտություն չի առաջացել:

6. Շրջիկ առևտրի թույլտվության հետ միաժամանակ տրամադրվում է էլեկտրոնային հարթակից օգտվելու իրավունք:

7. Թույլտվություն ստանալու մասին հայտը մերժվում է, եթե հայտատուի ներկայացրած փաստաթղթերը թերի են, ակնհայտ կեղծ, շրջիկ առևտրի կետը չի համապատասխանում սույն որոշման պահանջներին և պայմաններին, ինչպես նաև դիմումատուն 7 օրվա ընթացքում չորսի **Page 2 of 8** կետը չի ներկայացնում զննության:

8. Շրջիկ առևտրի թույլտվությունը չի կարող հայտատուի կողմից փոխանցվել այլ անձի կամ օգտագործվել այլ անձի կողմից:

9. Թույլտվությունը տրվում է մեկ ամիս ժամկետով, սակայն հաջորդ ամիսների համար տեղական տուրքի գումարը վճարված լինելու դեպքում թույլտվությունը համարվում է երկարաձգված՝ առանց վերը նշված ընթացակարգը կրկին անցնելու, իսկ շրջիկ առևտրի կետերին ներկայացվող պահանջների և պայմանների պահպանության նկատմամբ իրականացվում է ընթացիկ հսկողություն:

10. Ընթացիկ հսկողության ընթացքում խախտումներ հայտնաբերվելու դեպքում այդ մասին ծանուցվում է տնտեսվարող սուբյեկտը, որից հետո 3-օրյա ժամկետում թերությունները չվերացնելու դեպքում վերջինիս տրամադրված թույլտվությունը համարվում է ուժը կորցրած, իսկ մուտքը էլեկտրոնային հարթակ արգելվում է:

11. Ծանուցում ստանալուց հրաժարվելու դեպքում այն հրապարակվում է շրջիկ առևտրի կետը շահագործողի կամ դրանում տնտեսական գործունեություն իրականացնող անձի աշխատակցի ներկայությամբ, ինչից հետո ծանուցման պահանջները կատարելը դառնում է պարտադիր իրավաբանական անձի կամ անհատ ձեռնարկատիրոջ համար:

12. Առանց թույլտվության կամ թույլտվությամբ սահմանված պահանջների կամ պայմանների խախտմամբ շրջիկ առևտրի կետերի միջոցով վաճառքի կազմակերպման կամ ծառայության մատուցման գործունեության իրականացումն առաջացնում է վարչական պատասխանատվություն՝ Հայաստանի Հանրապետության օրենսդրությամբ սահմանված կարգով:

II. ՇՐՋԻԿ ԱՌԵՎՏՐԻ ԿԵՏԵՐԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ ԵՎ ՊԱՅՄԱՆՆԵՐԸ

13. Շրջիկ առևտրի կետերը պետք է ապահովված լինեն ապրանքների պահման և մանրածախ առևտրի, ինչպես նաև ծառայությունների մատուցման համար համապատասխան սարքավորումներով:

14. Շրջիկ առևտրի կետ հանդիսացող ավտոմոբիլները և (կամ) դրանց կցորդները կարող են լինել միայն մինչև 10 մետր երկարության, 2,5 մետր լայնության և 3 մետր բարձրության:

15. Շրջիկ առևտրի կետերը պետք է ապահովված լինեն էլեկտրաէներգիայի արտադրման ավտոնոմ համակարգով, որը պետք է բավարարի Հայաստանի Հանրապետության օրենսդրությամբ անվտանգության, բնապահպանական և աղմուկի թույլատրելի նորմերին ներկայացվող պահանջներին, իսկ հանրային սննդի ծառայություն մատուցողները՝ նաև ջրի և գոյացած կեղտաջրի պահման համար յուրաքանչյուրը առնվազն 100 լիտր տարողունակությամբ հերմետիկ փակ տարաներով, որոնք կբավարարեն Հայաստանի Հանրապետության օրենսդրությամբ խմելու ջրի պահպանման տարաներին ներկայացվող պահանջներին:

16. Շրջիկ առևտրի կետերը պետք է ապահովված լինեն արտաքին լուսավորության համակարգով:

17. Շրջիկ առևտրի կետ հանդիսացող ավտոմոբիլները և (կամ) դրանց կցորդները կողային (մայթին կից) հատվածից պետք է ունենան համապատասխան բացվածք՝ առևտրի իրականացման և (կամ) ծառայությունների մատուցման համար:

18. Շրջիկ առևտրի կետերն անվտանգ կայանման կազմակերպման համար պետք է ապահովված լինեն արգելակման համակարգի հանգույցներով:

19. Շրջիկ առևտրի կետը պետք է հարմարեցված լինի գործունեության իրականացման համար այնպես, որ բացառվի դրանից դուրս ապրանքի ցուցադրումը և որևէ առարկայի տեղադրումը, բացառությամբ՝ աղբամանի:

20. Շրջիկ առևտրի կետի արտաքին տեսքը և դրա վրա փակցված գովազդն ու ձևավորումը անհրաժեշտ է նախապես ներկայացնել Երևանի քաղաքապետարան՝ հաստատման:

III. ՇՐՋԻԿ ԱՌԵՎՏՐԻ ԻՐԱԿԱՆԱՑՄԱՆ ԹՈՒՅԼԱՏՐԵԼԻ ՎԱՅՐԵՐԸ ԵՎ ԳՈՐԾՈՒՆԵՈՒԹՅԱՆ ԻՐԱԿԱՆԱՑՄԱՆ ԺԱՄԵՐԸ

21. Շրջիկ առևտրի կետերի միջոցով գործունեություն թույլատրվում է իրականացնել հետևյալ վայրերում՝ տվյալ վայրի համար սահմանված ժամերին, ընդ որում նշված վայրի համար ամրագրումը մեկ օրից ավել լինելու դեպքում շրջիկ առևտրի կետը նշված վայրում կարող է կայանել մինչև ամրագրման ժամկետի ավարտը սույն կետով նախատեսված ժամերից դուրս՝ առանց գործունեություն իրականացնելու:

	Վարչական շրջան	Փողոցի և տարածքի անվանում	Ժամեր
1	Աջափնյակ	Ա. Սարգսյան-Ռ. Մելիքյան փողոցների խաչմերուկ	
2	Աջափնյակ	Հալաբյան փողոց, աջակողմյան հատված՝ 19 շենքի դիմաց	
3	Աջափնյակ	Հալաբյան փողոց, «Բուենոս Այրես» այգուն հարակից տարածք	
4	Աջափնյակ	Մազմանյան-Բեկնազարյան փողոցների խաչմերուկ	
5	Աջափնյակ	Մարգարյան փողոց, 14 շենքի դիմաց	
6	Ավան	Աճառյան փողոց, 1 շենքի /ճգնաժամային ակադեմիայի/ դիմաց	
7	Ավան	Իսահակյան թաղամաս, 2 շենքի /Անձնագրային և վիզաների վարչության Ավանի բաժնի/ դիմաց	
8	Արաբկիր	Ազատության պողոտա, /Հաղթանակ զբոսայգու դիմացի մայթ/	
9	Արաբկիր	Գրիբոյեդովի փողոց, 48 /գազալցակայանի/ դիմաց	
10	Արաբկիր	Լեո Կամսարի փողոց, 40 /Ամերիկյան համալսարանի/ դիմաց	
11	Արաբկիր	Կոմիտասի պողոտա, 1 շենքի /Հայբիզնեսբանկի/ դիմաց	
12	Արաբկիր	Կոմիտասի պողոտա, 49 շենքի դիմացի պուրակ	
13	Արաբկիր	Հ. Հակոբյան փողոց, 1 շենքի դիմաց	
14	Արաբկիր	Մամիկոնյանց փողոց, 27 շենքի դիմաց	
15	Արաբկիր	Մամիկոնյանց փողոց, 34ա շենքի դիմաց	
16	Արաբկիր	Մամիկոնյանց փողոց, 35 շենքի դիմաց	
17	Արաբկիր	Ն. Զարյան փողոց, 25 շենքի դիմաց	
18	Արաբկիր	Ռիզայի փողոց, /Սլավոնական համալսարանի դիմաց/	
19	Արաբկիր	Վ. Փափազյան փողոց, վերջնամաս /Մանկական զբոսայգու դիմաց/	
20	Դավթաշեն	Աշտարակի խճուղի	
21	Դավթաշեն	Դավթաշեն 2-րդ թաղամաս, /այգու հարևանությամբ/	
22	Դավթաշեն	Եղվարդի խճուղի, 26 շենքի կողքը	

23	Էրեբունի	Ազատամարտիկների փողոց, 78 / Մանկական այգու հարևանությամբ/	
24	Էրեբունի	Դ. Բեկի փողոց, 71 շենքի /հաշվառման քննական բաժնի/ դիմաց	
25	Էրեբունի	Մուրացանի փողոց, /հոսպիտալի հարևանությամբ/	
26	Էրեբունի	Սասունցի Դավթի հրապարակ /կայարանամերձ տարածք/	
27	Էրեբունի	Տիտոգրադյան փողոց, 4 շենքի /հիվանդանոցի/ դիմաց	
28	Կենտրոն	Աբովյան փողոց, /Հայաստանի ազգային ազրարային համալսարանի դիմաց/	
29	Կենտրոն	Ալ. Մանուկյան փողոց, /Հայաստանի ֆիզիկական կուլտուրայի և սպորտի պետական ի նստիտուտի դիմաց/	
30	Կենտրոն	Ալ. Մանուկյան փողոց, /Երևանի պետական համալսարանի դիմաց/	
31	Կենտրոն	Խանջյան փողոց, /Երաժշտական դպրոցի դիմաց/	
32	Կենտրոն	Ծիծեռնակաբերդի խճուղի, /Հրազդան մարզադաշտի հարակից տարածք/	
33	Կենտրոն	Կորյունի փողոց, /Հայաստանի ազգային պոլիտեխնիկական համալսարանի դիմաց/	
34	Կենտրոն	Կորյունի փողոց, /Երևանի հենակետային բժշկական քոլեջի դիմաց/	
35	Կենտրոն	Չարենցի փողոց, /Երևանի պետական համալսարանի հարակից տարածք/	
36	Կենտրոն	Տերյան փողոց, /Հայաստանի ազգային պոլիտեխնիկական համալսարանի դիմաց/	
37	Կենտրոն	Լենինգրադյան փողոց, Կարեն Դեմիրճյանի անվան մարզահամերգային համալիրի դիմացի ավտոկայանատեղի	
38	Մալաթիա- Սեբաստիա	Անդրանիկի փողոց, 74 շենքի /Հայաստան կ/թ/ և եկեղեցու հարակից տարածք	
39	Մալաթիա- Սեբաստիա	Անդրանիկի փողոց, /Զ. Անդրանիկի արձանի դիմաց/	
40	Մալաթիա- Սեբաստիա	Անդրանիկի փողոց, /Մայրության այգու հարևանությամբ/	
41	Մալաթիա- Սեբաստիա	Բաֆֆու փողոց, /եկեղեցու դիմաց/	
42	Նոր Նորք	Գայի պողոտա, 16 շենքի դիմաց	
43	Նոր Նորք	Գյուրջյան փողոց, 8 շենքի դիմաց	
44	Նորք-Մարաշ	Նորքի 5-րդ փողոցի 8 շենքի դիմաց	
45	Նուբարաշեն	Նուբարաշեն 7-րդ փողոց, /Նուբարի այգու հարակից տարածք/	
46	Նուբարաշեն	Նուբարաշեն 11-րդ փողոց, /այգուն կից տարածք/	
47	Շենգավիթ	Արշակունյաց պողոտա, 39 շենքի դիմաց	
48	Շենգավիթ	Արարատյան փողոց, 43 հասցեին հարակից տարածք	

49	Շենգավիթ	Արտաշատի խճուղի, 11 հասցեին հարակից տարածք	
50	Քանաքեռ-Զեյթուն	Դ. Անհաղթի փողոց, 4 շենքի դիմաց	
51	Քանաքեռ-Զեյթուն	Դրոյի փողոց, 9 շենքի դիմաց / շատրվանների հարևանությամբ/	
52	Քանաքեռ-Զեյթուն	Զ. Սարկավազի փողոց, 131 շենքի դիմաց	
53	Քանաքեռ-Զեյթուն	Հր. Ներսիսյան փողոց, 7 շենքի /արյունաբանական կենտրոնի/ դիմաց	

IV. ՇՐՋԻԿ ԱՌԵՎՏՐԻ ԿԵՏԵՐՈՒՄ ՎԱՃԱՌՎՈՂ ԱՊՐԱՆՔՆԵՐԻ ԿԱՄ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԶԹՈՒՅԼԱՏՐՎՈՂ ՏԵՍԱԿՆԵՐԸ

22. Շրջիկ առևտրի կետում չի թույլատրվում վաճառել՝

- 1) գյուղատնտեսական արտադրանք,
- 2) մսամթերք,
- 3) ծովամթերք,
- 4) կաթնամթերք,
- 5) կենդանիներ
- 6) դեղեր և բժշկական նշանակության արտադրանք,
- 7) շինանյութ,
- 8) ավտոպահեստամասեր,
- 9) հրավառության կամ հրագործական արտադրանք,
- 10) պարֆումերիա-կոսմետիկական ապրանքներ
- 11) կենցաղային և համակարգչային տեխնիկա,
- 12) աուդիո և վիդեո արտադրանք,
- 13) կենդանիների խնամքի համար նախատեսված իրեր,
- 14) որսորդական պարագաներ,
- 15) տնտեսական ապրանքներ և գրենական պիտույքներ,
- 16) պահպանակներ, միջադիրներ և հիգենիայի այլ պարագաներ,
- 17) ծխախոտի արտադրանք,
- 18) թունդ ոգելից խմիչքներ,
- 19) հեղուկ վառելիք, հեղուկացված նավթային գազ, տեխնիկական հեղուկներ,
- 20) մանկական կերեր,

21) այլ ապրանքներ, որոնց իրացումն արգելված կամ սահմանափակված է Հայաստանի Հանրապետության օրենսդրությամբ:

23. Շրջիկ առևտրի կետերում չի թույլատրվում մատուցել՝

- 1) վարսահարդարման և դիմահարդարման ծառայություններ,
- 2) ինտերնետ ծառայություններ,
- 3) բանկային կամ արտարժույթային ծառայություններ,
- 4) կապի և հեռահաղորդակցման ծառայություններ,
- 5) բժշկական ծառայություններ,
- 6) կացարանի տրամադրում և այլ հյուրանոցային ծառայություններ:

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՀԱՄԱՅՆՔԻ ՎԱՐՉԱԿԱՆ ՏԱՐԱԾՔՈՒՄ ՇՐՋԻԿ ԱՌԵՎՏՐԻ ԿԵՏԵՐԻՆ ՆԵՐԿԱՑԱՑՎՈՂ ՊԱՀԱՆՋՆԵՐԸ, ՊԱՅՄԱՆՆԵՐԸ, ԺԱՄԿԵՏՆԵՐԸ, ՇՐՋԻԿ ԱՌԵՎՏՐԻ ԻՐԱԿԱՆԱՑՄԱՆ ԹՈՒՅԼԱՏՐԵԼԻ ՎԱՅՐԵՐԸ, ԴՐԱՆՑ ՏՐԱՄԱՂՐՄԱՆ (ՀԱՏԿԱՑՄԱՆ) ԿԱՐԳԸ, ՊԱՅՄԱՆՆԵՐԸ ԵՎ ԳՈՐԾՈՒՆԵՈՒԹՅԱՆ ԻՐԱԿԱՆԱՑՄԱՆ ԺԱՄԵՐԸ, ԻՆՉՊԵՍ ՆԱԵՎ ՎԱՃԱՌՎՈՂ ԱՊՐԱՆՔՆԵՐԻ ԿԱՍ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԶԹՈՒՅԼԱՏՐՎՈՂ ՏԵՄԱԿՆԵՐԸ ՄԱՀՄԱՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

«Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 25.1-րդ կետի համաձայն՝ Երևան քաղաքի ավագանին սահմանում է շրջիկ առևտրի կետերին ներկայացվող պահանջները, պայմանները, ժամկետները, շրջիկ առևտրի իրականացման թույլատրելի վայրերը, դրանց տրամադրման (հատկացման) կարգը, պայմանները և գործունեության իրականացման ժամերը, ինչպես նաև վաճառվող ապրանքների կամ մատուցվող ծառայությունների չթույլատրվող տեսակները:

«Առևտրի և ծառայությունների մասին» օրենքի 5.2-րդ հոդվածի 2-րդ մասի համաձայն՝ շրջիկ առևտրի կետերին ներկայացվող պահանջները, պայմանները, շրջիկ առևտրի իրականացման թույլատրելի վայրերը, դրանց տրամադրման (հատկացման) կարգը, ժամկետները, պայմանները և գործունեության իրականացման թույլատրելի ժամերը, ինչպես նաև վաճառվող ապրանքների կամ մատուցվող ծառայությունների չթույլատրվող տեսակները սահմանվում են Երևան համայնքի ավագանու որոշմամբ:

Վերը նշված օրենքների պահանջը կատարելու, ինչպես նաև գործունեության տվյալ ոլորտը կարգավորելու նպատակով մշակվել է սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ

«ԵՐԵՎԱՆ ՀԱՄԱՅՆՔԻ ՎԱՐՉԱԿԱՆ ՏԱՐԱԾՔՈՒՄ ՇՐՋԻԿ ԱՌԵՎՏՐԻ ԿԵՏԵՐԻՆ
ՆԵՐԿԱՅԱՑՎՈՂ ՊԱՀԱՆՁՆԵՐԸ, ՊԱՅՄԱՆՆԵՐԸ, ԺԱՄԿԵՏՆԵՐԸ, ՇՐՋԻԿ ԱՌԵՎՏՐԻ
ԻՐԱԿԱՆԱՑՄԱՆ ԹՈՒՅԼԱՏՐԵԼԻ ՎԱՅՐԵՐԸ, ԴՐԱՆՑ ՏՐԱՄԱԴՐՄԱՆ (ՀԱՏԿԱՑՄԱՆ) ԿԱՐԳԸ,
ՊԱՅՄԱՆՆԵՐԸ ԵՎ ԳՈՐԾՈՒՆԵՈՒԹՅԱՆ ԻՐԱԿԱՆԱՑՄԱՆ ԺԱՄԵՐԸ, ԻՆՉՊԵՍ ՆԱԵՎ
ՎԱՃԱՌՎՈՂ ԱՊՐԱՆՔՆԵՐԻ ԿԱՄ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ՉԹՈՒՅԼԱՏՐՎՈՂ
ՏԵՍԱԿՆԵՐԸ ՄԱՀՄԱՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱՅՈՒԹՅԱՄԲ ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄՆԻ
ԲՅՈՒՋԵՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ ԱՎԵԼԱՑՄԱՆ ԿԱՄ ՆՎԱԶԵՑՄԱՆ ՄԱՍԻՆ

«Երևան համայնքի վարչական տարածքում շրջիկ առևտրի կետերին ներկայացվող պահանջները, պայմանները, ժամկետները, շրջիկ առևտրի իրականացման թույլատրելի վայրերը, դրանց տրամադրման (հատկացման) կարգը, պայմանները և գործունեության իրականացման ժամերը, ինչպես նաև վաճառվող ապրանքների կամ մատուցվող ծառայությունների չթույլատրվող տեսակները սահմանելու մասին» Երևան քաղաքի ավագանու որոշման նախագիծն ընդունելու կապակցությամբ պետական կամ տեղական ինքնակառավարման մարմնի բյուջեում եկամուտների էական ավելացում կամ նվազեցում չի սպասվում:

ՏԵՂԵԿԱՆՔ

«ԵՐԵՎԱՆ ՀԱՄԱՅՆՔԻ ՎԱՐՉԱԿԱՆ ՏԱՐԱԾՔՈՒՄ ՇՐՋԻԿ ԱՌԵՎՏՐԻ ԿԵՏԵՐԻՆ
ՆԵՐԿԱՅԱՑՎՈՂ ՊԱՀԱՆՁՆԵՐԸ, ՊԱՅՄԱՆՆԵՐԸ, ԺԱՄԿԵՏՆԵՐԸ, ՇՐՋԻԿ ԱՌԵՎՏՐԻ
ԻՐԱԿԱՆԱՑՄԱՆ ԹՈՒՅԼԱՏՐԵԼԻ ՎԱՅՐԵՐԸ, ԴՐԱՆՑ ՏՐԱՄԱԴՐՄԱՆ (ՀԱՏԿԱՑՄԱՆ) ԿԱՐԳԸ,
ՊԱՅՄԱՆՆԵՐԸ ԵՎ ԳՈՐԾՈՒՆԵՈՒԹՅԱՆ ԻՐԱԿԱՆԱՑՄԱՆ ԺԱՄԵՐԸ, ԻՆՉՊԵՍ ՆԱԵՎ
ՎԱՃԱՌՎՈՂ ԱՊՐԱՆՔՆԵՐԻ ԿԱՄ ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ՉԹՈՒՅԼԱՏՐՎՈՂ
ՏԵՍԱԿՆԵՐԸ ՄԱՀՄԱՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱՅՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՅԱԿԱՅՈՒԹՅԱՆ ՄԱՍԻՆ

«Երևան համայնքի վարչական տարածքում շրջիկ առևտրի կետերին ներկայացվող պահանջները, պայմանները, ժամկետները, շրջիկ առևտրի իրականացման թույլատրելի վայրերը, դրանց տրամադրման (հատկացման) կարգը, պայմանները և գործունեության իրականացման ժամերը, ինչպես նաև վաճառվող ապրանքների կամ մատուցվող ծառայությունների չթույլատրվող տեսակները սահմանելու մասին» Երևան քաղաքի ավագանու որոշման նախագիծն ընդունելու կապակցությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ